

ճանադիրս : Թէպէտ և յայտնի եղեն բանք երկուց կողմանց սակա Ս. Աստուածածնի , սակայն Հայք 'ի նախընթաց նըստին ասացին թէ , 'ի 1707 թուին 'ի կախել պատկերաց և կանթեղաց յեկեղեցին Բեթղեհէմի , անդ էին և Յոյնք և հաճութեամբ նոցա եղեւ , և 'ի գանկատանս Յունաց չերեւի հաճութիւն նոցին , և գործն լեալ է առաջի երեւելեաց քաղաքին , եւ 'ի նոցանէ աստ են Միւֆթի եւ Ալի Միւհսին Էֆէնտիք , պատմեսցեն , որպէս տեսին եւ գիտեն : Միւֆթի Էֆէնտի , 'ի թուին 1708 Հայք բերին հրովարտակ և ըստ զօրութեան նորին ընդ Դատաւորի քաղաքիս գնացաք 'ի Բեթղեհէմ 'ի քննութիւն եկեղեցւոյն՝ զի նորոգեսցն Հայք . ընթերցաւ անդ հրովարտակն , եւ 'ի քննութեան պահու ծագեցաւ խռովութիւն 'ի մէջ երկուց ազգաց . Հայք մատուցին զհրովարտակն բաժանորդութեան 'ի ժամանակս նուրի Էֆէնտեսոյ , այն եւս ընթերցաւ : Հայք յեցեալ 'ի զօրութիւն հրովարտակին այնմիկ՝ խնդրեցին լինել կատարեալ բաժանորդ . քննեցաւ Այրն և Եկեղեցին . և 'ի կախելն զպատկերս և զկանթեղս թէպէտ անդ էին Հայք եւ Յոյնք , սակայն Փոխանորդն Յունաց՝ ոմանց լուեաց և ոմանց հակառակեցաւ , և 'ի վերջոյ խռովեալ մեկնեցաւ անտի , և Դատաւորն կատարեաց զմնացեալն . ոչ բաւականացան Հայք այնու , եւ Դատաւորն աւելի իրաց ոչ ետ հրաման , և Հայք եւս ոչ հաճելով թողեալ գնացին՝ եւ գործն մնաց 'ի վիճակի իւրում : Ալի Միւհսին . Անդ էի եւ ես , այնպէս եղեւ որպէս պատմեաց Միւֆթին :

Քարտուղար դատարանի . Այնպէս եղեւ որպէս ասացին , ոչ հաճեցան երկոքին կողմն , եւ Դատաւորն արար իլամ և առաքեաց առ Փոխարքայն Եգիպտոսի և խնդրեաց առաքել 'ի Կոստանդինուպօլիս , այլ յաղազս ոչ սպասելոյ հրամանի Արքային՝ յետս դարձաւ իլամն :

Հաֆըզ Բաշիա Էֆէնտի . 'ի թուին 1729 հրամանագիր Փոխարքային ուղղեալ առ Դատաւորն Երուսաղէմի՝ ըստ բողոքելոյ Հայոց . յընթեռնուլն զայն 'ի դատարանի՝ հակառակութիւն լեալ է 'ի կողմանէ Յունաց , և Դատաւորն քննեալ զվէճն՝ իլամ արարեալ մատուցեալ է առ Փոխարքայն , այլ պատահեալ 'ի ժամանակս պատերազմի՝